



元氏長慶集卷第五十六

碑銘

唐故使持節萬州諸軍事萬州刺史賜緋魚袋  
劉君墓誌銘

歲長慶之癸卯五月日乙亥處士祿汾以予友保極喪  
訃於予且告保極遺意欲予誌卒葬予哭泣受妻之賓  
友弔又哭泣退敘事保極諱頗姓劉氏漢燕王子孫之  
在其國者皆稱昌平人後世有清夷軍使拯爲清夷軍  
使時會侯希逸叛遼海側近軍郡守將皆棄走拯獨不  
棄軍軍亂害及拯朝廷忠之以平州刺史告其第平州

生表裏表裏官至深州長史亦用忠戰死於軍長史生  
子騫子騫官至銀青光祿大夫唐州刺史與周增等謀  
潰李希烈覺皆殺之君實唐州之長子希烈不忍其幼  
養之麾下凡攻戰必攜去年十四五始讀書希烈死得  
脫舉進士文詠詞調有古時人氣候不肯學感感近一  
題者試一不中遂不復試復田於唐唐刺史願得君爲  
壻君不願爲刺史壻刺史怒暴租其田君乃大集里中  
諸老曰刺史謂田足以累我耶由是久其居出契書投  
火中盡畀諸老田棄去汝上讀書賦詩厚自期待刺史  
陸長源器異之三十餘試授秘書省校書郎復以協律

郎從事於鄜元和初高崇文方下蜀宰相杜黃裳以君  
爲大理評事畫於軍後爲壽安主簿適烏重胤以懷汝  
之師來伐蔡請君爲監察御史判懷汝營田事尋改節  
度判官賜章服是時賊始盛陳許懷汝之衆怯怯未振  
舉都統韓弘在大梁君乃請於烏曰青陵故城地高要  
得之可以據賊矣公能使我於韓可以得烏使之韓一  
見竒之竟夕與語遂命陳許懷汝大梁之衆據青陵尅  
日遂據之自是官軍乃大振凡烏之戰陣謀取案牘書  
奏之事皆咨之嘗爲烏啟事京師憲宗皇帝語及陣法  
曰卿何以知戰對曰臣固淮西之戰者也讀書餘事耳

遭太夫人喪服闋以從來所賦詩投宰相令狐楚楚屢  
吟賞於有文章者宰相段文昌在蜀時愛君之磊落善  
呼吸人遂相奏天子以君為殿中侍御史銀州長史知  
刺史事先時銀之長不命於朝數十年矣諸將攝理奪  
其馬牛夷人苦益復叛遠君始受命指羸輸之白四足  
者謂予曰君為我識之此馬苟無死不復易矣至所治  
党頂諸羌來會聚君告以忠信廉儉皆出涕無敢違告  
者歲餘受代酋長拓拔建宗等七百餘眾遮擁不欲去  
君馳去之建宗等稍稍隨至境果以羸輸之白四足者  
歸京師自外無餘畜及君之歿諸羌之長不絕聘尋授

河西令侍中弘方在蒲得君喜甚因請自貳朝廷以水  
部員外郎兼侍御史充河中節度副使又歲餘君所善  
元稹為宰相朝謂君曰君將展矣亟薦之稹竟不能用  
尋除萬州刺史病於汝竟以長慶三年某月日卒所寓  
年若干以某月日葬某所君五男二女李氏婦洎處子  
皆女也統嗣既明越嗣坎嗣總嗣皆男也處士祿汾始  
終視其喪始君善交人凡氣志豪健尚功名者多師之  
投分誓且死為收長用慈儉閭里皆愛惜少為陸尚書  
長源李尚書元素鄭司徒餘慶杜司空黃裳所知羣公  
更處重位君亦不能遂所欲烏之知且委也事以喪

以簡慢歛習舒徐相尚文章以風容色澤放曠精清爲高蓋吟寫性靈流連光景之文也意義格力無取焉陵遲至於梁陳淫艷刻飾佻巧小碎之詞劇又宋齊之所不取也唐興官學大振歷世之文能者互出而又沈宋之流研練精切穩順聲勢謂之爲律詩由是而後文變之體極焉然而莫不好古者遺近務華者去實効齊梁則不逮於魏晉工樂府則力屈於五言律切則骨格不存閒暇則纖穠莫備至於子美蓋所謂上薄風騷下詵沈宋古傍蘇李氣奪曹劉掩顏謝之孤高雜徐庾之流麗盡得古今之體勢而兼人人之所獨使仲尼考

鍛其旨要尚不知貴其多乎哉苟以爲能所不能無不可則詩人以來未有如子美者時山東人李白亦以奇文取稱時人謂之李杜予觀其壯浪縱恣擺去拘束摸寫物象及樂府歌詩誠亦差次肩於子美矣至若鋪陳終始排比聲韻大或千言次猶數百詞氣豪邁而風調清深屬對律切而脫棄凡近則李尚不能歷其藩翰况堂奧乎予嘗欲件拆其文體別相附與來者爲之准特病懶未就適子美之子子嗣業啟子美之柩襄祔事於偃師次于荆雅知予愛言其大父爲文拜予爲誌辭不可絕予因係其官闕而銘其卒葬云係曰

韓之器且薦也卒不獲用命也已予爲監察御史時始  
與君更相許與爲將相予果爲相而不能毫髮加於君  
非命也予罪也抑不能專善善惡惡之柄耶不然何二  
世死忠之家旣生如是之傑而卒不能成就之嗚呼銘  
曰

氣成鬱噎必爲風雲有志不洩死當能神神固不昧故  
吾有二天子思我朋嫉我思雖我頓感心我不泯誓致  
亮舜封山侍巡勸告君墓報君知人

唐故工部員外郎杜君墓係銘

并序

後曰予讀詩至杜子美而知小大之有所總萃焉始堯

舜時君臣以賡歌相和是後詩人繼作歷夏殷周千餘  
年仲尼緝拾選練其干預教化之尤者三百其餘無聞  
焉騷人作而怨憤之態繁然猶去風雅日近尚相比擬  
秦漢以還採詩之官旣廢天下妖謠民謳歌頌諷賦曲  
度嬉戲之詞亦隨時間作逮至漢武賦柏梁而七言之  
體具蘇子卿李少卿之徒尤工爲五言雖句讀去聲文律  
各異雅鄭之音亦雜而詞意簡遠指事言情自非有爲  
而爲則文不妄作建安之後天下文士遭罹兵戰曹氏  
父子鞍馬間爲文往往橫槊賦詩故其抑揚寃哀存離  
之作尤拯於古晉世風槩稍存宋齊之間教失根本士

以簡慢歛習舒徐相尚文章以風容色澤放曠精清爲高蓋吟寫性靈流連光景之文也意義格力無取焉陵遲至於梁陳淫艷刻飾佻巧小碎之詞劇又宋齊之所不取也唐興官學大振歷世之文能者互出而又沈宋之流研練精切穩順聲勢謂之爲律詩由是而後文變之體極焉然而莫不好古者遺近務華者去實効齊梁則不逮於魏晉工樂府則力屈於五言律切則骨格不存閒暇則纖穠莫備至於子美蓋所謂上薄風騷下該沈宋古傍蘇李氣奪曹劉掩顏謝之孤高雜徐庾之流麗盡得古今之體勢而兼人人之所獨專矣使仲尼考

鍛其旨要尚不知貴其多乎哉苟以爲能所不能無可不可則詩人以來未有如子美者時山東人李白亦以奇文取稱時人謂之李杜予觀其壯浪縱恣擺去拘束摸寫物象及樂府歌詩誠亦差次肩於子美矣至若鋪陳終始排比聲韻大或千言次猶數百詞氣豪邁而風調清深屬對律切而脫棄凡近則李尚不能歷其藩翰况堂奧乎予嘗欲件拆其文體別相附與來者爲之准特病懶未就適子美之子子嗣業啟子美之柩襄耐事於偃師次于荆惟知予愛言其大父爲文拜予爲誌辭不可絕予因係其官闕而銘其卒葬云係曰

晉當陽成侯姓杜氏下世而生依藝令於鞏依藝生審  
言善詩官至膳部員外郎審言生閑閑生甫閑為奉天  
令甫字子美天寶中獻三大禮賦明帝奇之命宰相試  
文善授甫曹屬京師亂步謁行在拜左拾遺歲餘以  
直言官出為華州司功尋遷京兆事旋又棄去扁舟下  
荆楚間竟以寓卒旋殯岳陽享年五十九夫人弘農楊  
氏女父曰司農少卿怡四十九年而終嗣子曰宗武病  
不克葬歿命其子嗣業嗣業貧無以給喪收拾乞匄焦  
勞晝夜去子美歿後餘四十年然後卒先人之志亦足  
為難矣銘曰

維元和之癸巳粵某月某日之佳辰合窆我杜子美於  
首陽之前山嗚呼千歲而下曰此文先生之古墳



元氏長慶集卷第五十七

碑銘

唐故朝議郎侍御史內供奉鹽鐵轉運河陰留  
後河南元君墓誌銘

有魏昭成皇帝十一代而生我隋朝兵部尚書府君諱  
某後五代而生我比部郎中舒王府長史府君諱某君  
卽府君之第二子也諱某字玄度娶清河崔隣女生四  
子長曰易簡榮陽尉次從簡曲沃尉次行簡太樂丞幼  
弘簡長女適劉中孚中孚早卒次嬰疾室居次適蘇京  
舉進士次適李殊殊妻早夭君始以恒王參軍附太學

治春秋中授左清道府錄事參軍歷湖丞秩罷丁比部  
府君憂服闋調興平長安萬年尉丁滎陽太君憂服闋  
除萬年丞遷監察御史知轉運永豐院事殿中侍御史  
留務河陰加侍御史賜緋魚袋元和十四年以疾去職  
九月二十六日歿於季弟虢州長史種之官舍嗚呼我  
尚書府君有大勲烈於周隋氏我比部府君積大學行  
搢紳間我諸父法尚嚴家極貧而事事於喪祭賓客雖  
帝除薪水不免於吾兄貞元初蝗且儉我先太君白府  
君貸女奴以足食君泣曰太夫人專門戶不宜乏使令  
取新婦氏媵婢以給貨向是三十年養育八男女始元

和中乃復奴婢之籍焉先府君叢集羣言裁成百葉書  
抄君懼不得授乃日一食以齋其心者一月先太君憐  
而請焉由是盡付其書是歲貨足食之一日也日一  
粥而課寫千言三歲乃卒業先府君養之歲前累月  
而季父侍御史府君捐館予伯兄由官阻於蔡叔季皆  
十年而下遺其家唯環堵之宮耳皆曰貨是以襄二事  
可也君跪言於先太君曰斯宇也尚書府君受賜於隋  
氏乃今傳七代矣敢有失守以貽太夫人憂死無以見  
先人於地下由是匍匐乞以終其喪自興平長安萬年  
尉俸不過三四萬然奉顏色潔衾祀備吉凶來賓客無

遺焉均也已雖遊千里資費毫釐未嘗不疏之於書還  
啟先太君下示仲叔季且曰尊夫人慈不我責不如是  
目束陷不義矣其在于京邑專捕盜者八年破囊橐掘  
盤牙不可勝數莫不刑者不懇強者不暴其在河陰也  
朝廷有事於淄蔡累百萬之費一出於是朝令朝具夕  
發夕至者周五星歲而後功成役罷凡主供饋之百一  
於君者皆以課遷唯君終不言賞賞亦不及嗚呼君之  
生六十七年矣四十年事親無一日之怠三十年養下  
無一詞之倦撫諸弟無正色之訓而亦不至於不恭敬  
諸子無鞭笞之責而亦不至於不令以閒處劇而吏不  
忍欺以直立誠而忤不及物沒之日三子不侍無一言  
之念知叔季之可以教侄也室空牆壁無一顧之憂知  
叔季之可以任喪祭也嗚呼愛我者張仲知我者鮑叔  
予生幾何懼不克報或不忘記之斯文銘曰  
唐元和之己亥惟孟年十一月十六日仲月之良辰合  
葬我元君于咸陽縣之洪瀆川從先太君之後域而共  
閔于夫人崔之墳

唐故建州蒲城縣尉元君墓誌銘

君諱某字莫之有魏昭成皇帝十七世而生某官某君  
卽某官之次子也少孤母曰渤海封夫人提捧教訓不

十四五其心卓然讀書為文舉進士每歲抵刺史以上  
 求與計去且取公食之資以供養意義漸聞於朋友間  
 無何宗姪義方既察福建子幼道遠自孤其行拜言勤  
 求請君俱去太夫人曰吾有爾兄養足矣爾其遂行旋  
 授建州浦城尉姪之心腹耳目之重以至閨門之令  
 盡寄於君上下不怨誠且盡也又無何宗姪觀察鄜坊  
 君亦俱去心腹耳目之寄皆如初宗姪歿子公慶號駭  
 迷謬無所據君自始至卒任持之公慶事公雖及喜愠  
 不敢專元和中封夫人喪痛毒哽咽結氣膏肓既喪  
 遂卒不散十五丁八月二日終于京城南享年五十八

公慶襄其事夫人濮陽吳氏賢善恭幹生一女女亦惠  
 和天君前累月嗚呼吳夫人可謂生人太苦矣予與君  
 伯季之間十歲相得師學然諾出入宴游無不同也及  
 逾三十年予亦相位偷名官進不已然而終無濡縷之  
 力及於君君何足悲適自悲耳銘曰  
 維元和庚子十一月之四日禽交加六神没于嗟元君  
 歸此室

元氏長慶集卷第五十七

元氏長慶集卷第五十八

碑銘

夏陽縣令陸翰妻河南元氏墓誌銘

陸氏姊事父母以孝聞事姑如事母善伯以悌事  
兄睦族以惠和煦下以慈愛四者謂之吉德然而不壽  
也嗚呼享年三十有一歿世於夏陽縣之私第是唐之  
貞元二十五年十二月初五日也冬十月十有四日  
葬於河南洛陽之清風郡平樂里之北邙原從祖姑兆  
上永貞之元年歲乙酉朔旦景申辰在巳酉須時順也  
始祖有魏昭成皇帝後失國今稱河南洛陽人焉六代

祖諱嚴在周爲內史大夫以諫在隋爲兵部尚書昌平公中君子曰忠之後必復降五世而生我皇考府君府君諱某以四教垂子孫孝先之儉次之學次之政成之當乾元廣德之間郡國多事由雲陽昭應尉馮翊猗氏長遷于殿中侍御史或未環歲或未浹時而五命自天非夫公不來則人不蘇公不遷則善不聳何是之速也董芳書奏議者凡八人其在比部郎中也宗人得罪有不察夫玉與珉類而不雜者屈我府君爲虢州別駕累遷舒王府長史至則懸車息宴如也嘗著百葉書要以萃羣言秘牒一開則萬卷皆廢由懼夫百氏之

徒一歸於我囿所不樂也故世莫得傳業至矣不峻其位不流其化時哉時哉我外祖睦陽鄭公諱濟官族甲天下我太夫人聖善六姻以憫默罰婢僕傭保以莊勵爲鞭笞用至於兒稚不能楚而嗃嗃於他門肆我伯姊穆其嚴風柔以慈旨於人矣生十四年遂歸於吳郡陸翰翰國朝左侍極兼宰相信之玄孫臨汝令秘之元子魏出也魏之先文貞有匡君之大德翰少孤事親以至行立釋褐太平主簿我姊由是而歸之逮陸君之宰夏陽也事姑垂二十年矣姑愛之若慈母婦敬之若嚴君雖母兄之饋不授於姑則不至

而况於私其財乎閨門之內未嘗以往復之言聞婢僕  
而况於相色乎及太夫人之沉痾也夫人亦不利行有  
年矣然而藥不嘗於口則不進衣不出於手則不獻冬  
之夜夏之日環侍其側者二三歲衣不釋體倦不形色  
曾不以已之疾爲瘡矣嗚呼閔之養其親也方於此何  
如吾不知也至於陸君之在疚也克哀敬以終之舊  
疾暴加不數日而薨作陸君縻職他縣至則無及矣將  
訣之際子號女泣問其遺訓則曰吾幼也辭報親日

短今則已矣不見吾親親乎親乎西望而絕痛夫孝於  
親敬於姑順於夫友於兄弟辭世之日母不獲撫夫不  
及決兄不得臨弟不得侍天乎淑善反以爲罪乎二女  
曰燕曰迎兩男師道嶠夫人兄沂兄稚弟積弟積或游  
遠或守官或歸養皆不克會葬陸君先是職于使又不  
克董喪從父季以二子襄事禮也尊夫有命于小  
子積曰吾大懼夫馨香之行莫熾于後爾其識之是用  
銜恤隕涕篆銘于壙銘曰

唐左千牛韋珮母段氏墓誌銘

唐少保贈僕射韋公幼子左千牛珮母曰武威段氏故  
衢州司田叅軍岌之弟二女也其四代祖褒國公楊州

都督贈輔國大將軍生曾祖宣州長史諱弘珪生大父  
鄜州刺史諱懷本先是僕射裴夫人早世女抱子幼思  
所以仁之者命主 之始長安令至於都留守持門戶  
主婚嫁者殆十五歲當貴大之家處謙謙之勢然而不  
怨不德禮得其宜信難矣今僕射喪益不失非盛勲列  
之後其孰能如此哉元和四年九月十九日暴疾終於  
履信第享年四十定其年十二月二日葬于河南縣龍  
門鄉之午橋村凡韋氏之族姻聞其喪莫不親者悲疎  
者歎不亦善處其身哉故僕射諸子洎諸女皆服兄弟  
之母服而哀有加焉始予亡妻生不月而先夫人歿免  
水火之裁成習柔之性用至於粧櫛針組書誡琴瑟之  
事無遺訓誠有以賴焉是以予妻之言於予曰離則思  
思則夢夢則悲疾則泣戀戀然予不知其異所親矣決  
予之際切以始終於敬爲託焉今日之誌其終乎銘曰  
母以子貴貴必因人人本乎祖祖盛厥勲昔我稚室懷  
其仁仁莫之報沒沒而有云今復泯矣報之斯文

葬安氏誌

予稚男荆母曰安氏字仙嬪卒於江陵之金隈鄉莊敬  
坊沙橋外二里嫗樂之地焉始辛卯歲予友致用憫予  
愁爲予卜姓而授之四年矣供侍吾賓友主視吾巾櫛



無違命近歲嬰疾秋方綿痼適予與信友約浙行不敢私廢及還果不克見大都女子由人者也雖妻人之家常自不得舒釋况不得爲人之妻者則又閨衽不得專如於其夫使令不得專命於其外 不得以尊卑長幼之序加於人疑似逼側以居 身其常也况予貧性復事外不甚知其家之無苟視其頭面無蓬垢語言不以饑寒告斯已矣今視其篋笥無盈餘之帛無成襲之衣無帛裹之衾予雖貧不使其若是可也彼不言而予不察以至於其生也不足如此而其死也大哀哉稚子荆方四歲望其能念母亦何時 立則不能使不知

其卒葬故爲誌且銘銘曰

復土之骨歸天之魂亦既墓矣又何爲文且曰有子異日庸知其無求墓之哀焉

元氏長慶集卷第五十九

祭文

告贈皇考皇妣文

嗣子稹等謹以常饌嘉蔬之奠敢昭告于皇考贈右散騎常侍皇妣贈滎陽郡太君今皇帝二月五日制書澤被幽顯小子稹參奉班滎得用封贈越七月二十八日乃詔先夫人曰滎陽郡太君洎八月之九日復詔先府君曰右散騎常侍祇命隕越哀號不逮追念顧復若亡生次惟積洎稹幼遭閔凶積未成童稹生八歲蒙駮孩稚昧然無識遺有清白業無樵蘇先夫人備極勞苦躬

親養育截長補敗以禦寒凍質價市米以給脯旦依倚  
舅族分張外姻奉祀免喪禮無遺者始兄集得尉興  
平然後衣服飲食之具粗有准而猶卑薄儉貧給不假  
足慈訓備至不肖乃立積初一命稹始奉朝供養未遑  
奄爾遺棄疊罪不死重羅纓裳遷換因循遂階榮位大  
有車馬豐有俸秩書扇雖存舊老已盡顧是所有將焉  
用之嗚呼生我者父母享此者妻子勤頓者兄嫂優餘  
者婢僕追孝不過於一奠薦寵不過於揚名哀哀劬勞  
亦又何報摧圯殞裂酸傷五情謹於先太君載誕之日  
佞告贈典并焚黃制以獻號慕及痛肝心伏惟尚饗

告贈皇祖祖妣文

孝孫稹敢昭告于皇祖陳州南頓縣丞贈尚書兵部員  
外郎府君祖妣贈晉昌縣太君唐氏惟元統運嘗宅區  
夏選諫賢善俾公彭城公實能德延于後嗣降及兵部  
爲隋巨人抑揚直聲扶衛衰俗戶部績紹傳于魏州蘊  
鬱懿粹族用繁昌始兵部賜第於靖安里下及天寶五  
世其居冕昇駢比羅列省寺一日秉朝凡十四五  
叔仲伯季姊妹諸姑洎友壻彌孫歲時與會集者百有  
餘人冠冕之盛重於一時燕寇突來人士駭散蔭籍廢  
削龜繩用稀我曾我祖仍世不偶先尚書盛德大業屈

於郎署小子稹蒙幸餘福據有方州今皇帝嗣位之初  
澤被幽顯尚書府君洎滎陽郡太夫人當進封贈小子  
稹伏念先尚書嘗以比部郎乞換追命朝列不許大孝  
莫申是用追述先志乞回恩於祖父祖妣是歲八月十  
八日詔以兵部員外郎晉昌縣太君來告第摧慕感咽  
五情傷殞謹以仲冬日至修奉常薦焚獻制書昭告神  
几伏惟尚饗

### 告祀曾祖文

孝曾孫稹謹以清酌庶羞之奠敢昭告于曾祖岐州參  
軍府君禮稱衾禘蒸嘗一歲用是四者而已唐制位五  
品皆廟祀廟祀亦以求吉日其餘未廟祀者各奉家傳  
疎數每異昔我先府君深惟孝思終已不怠每歲換正  
至涉佳辰覩兒孫賓遊相會聚未嘗無悲是用日至暨  
正旦仲夏之五日季秋之初九莫不修奉祠祀以達事  
生之意焉逮小子稹冒華官榮當立廟以事先人於京  
師會值譴出未果修構宗子積牧民於金復不克以上  
牲陪祀每衣裘葛酸傷五情今謹依約廟則每歲以二  
至二分暨正旦與宗積彼此奉祀於治所始用變禮不  
敢不告伏惟尚饗

### 告畚三陽神文

維年月日通州司馬禎用肴酒爲州人告于畚三陽之神圖籍鐫載耆艾傳述通之盛時戶四万室耕稼駢緻謠謳湧溢屢閑珠玉樓雉丹漆孝順子孫廉能吏卒軒然神功坐受嘉粟政式不虐人用不謚奪富撓豪軋窮役疾弱者逋播悍者憤怫飢饉因仍盜賊倉卒間落焚燔城市剽拂人民遂空萬不存一神居毀蕩神氣蕭颯再完陋宮榻不容膝僅有雞豕無復芬苾豺虎號噪麋鹿幽噎厲鬼瘴人貪吏殄物闐闐丘墟門戶蒿華神又何情受人祈乞嗚呼罔天軸地羅星走日水火炎潤原濕生出古不獨加今不獨屈化由人興胡不爲率我貳

星歲三卒熟視民病飽聞政失自喪守後月環其  
七弊深力薄未暇纖悉都虛盧持先後排比附防風俗  
簡用紀律功不甚農虛不勝實乃勸州人大課芟鉅人  
人自利若受鞭秩旋六十里功旬半畢嗚呼教則人功  
理有陰隲農勸事時賞信罰必市無欺奪吏不侵軼非  
神敢煩在我有術雷蟄雨枯蒸頑曝鬱導百來呵厲  
四逸非我敢知有神之吉惟我惟神各恤其恤神永是  
邦我非常秩繼我者誰爲神斯慄尚饗

告畚竹山神文

稷聞天好平施而特累山嶽許其嵩崇聖王亦視之公

侯不惜牲幣益以其鎮定區宇舒貯風雲毓櫟楹棟砥  
洎百穀萬貨以資養於人也至於蒙翳薈羅惡木穴窟  
虺蜥虎豺迎礙吞噬以遂其高傲堅頑之勢非天意也  
按通之載號神爲名山川且邇邑屋而扶道途然而不  
作不穫不礎不柱藂集龜鱗蔽弊道路將五十年矣實  
人力之不足於山也非神之過今天子斬三叛之明年  
通民畢賦用其閒餘夾津而南開山三十里爲來年農  
種張本自十月季旬周甲癸而功半就郡司馬元稹率  
屬攸置酒肴以告于神曰通之邑居纒二百室一旦爲  
神翦翳穢戮豺狼幅員六十里之地亦足爲用力於神  
神其戒哉敬用嘉祝祝曰爲山輸力爲民豐食廩以萬  
億蠹賊以殛報用黍稷謚用正直播布不殖淫厲不息  
風雨不式假麋不比俾民無得將他山是齎棄神之域  
爲神之羞永永無極神其畏哉尚饗

報三陽神文

維年月日文林郎守通州司馬權知州務元稹謹遣攝  
錄事參軍元叔則以清酒庶羞之奠以報于三陽神之  
靈越九月始踐朔霖雨旣旬式從榮典俾吏拜稽首祈  
三辰克霽于神神初饗若不踰祈幽妖靈虺不克負  
輸穫孰者賴神之仁仁必報式備報典不敢諉伏惟尚

饗

祈雨九龍神文

稹始長慶二年夏六月相天子無狀降居于同愁慙焦  
勞求念隱思有以報陛下莫大之恩涉歲于茲理用不  
效冬不時雪春不時雨越二月宿麥不滋耒耜不刺大  
懼茲歲患成于人以羞陛下之獎寄刻責罪悔罔識攸  
由凡天降疵厲必因於人豈予心之虛削孤獨依倚氣  
勢耶將予刑之僭濫失所究哀無告耶或予政之抑塞  
和令開洩閉藏耶舉動云爲罔不在我神怒天譴降災  
于我身我不敢讓今夫蠢蠢何罪物物何知使不肖者

長理而災害隨至無乃天之降罰不得其所耶痛毒惻  
怛無所赴露惟龍司水于同同人神之謹齋戒沐浴叩  
首揮淚願以小子稹爲千萬請命于龍龍其鑒之克三  
日雨我田疇其有以報不然災于予身亦足以謝伏惟  
尚饗

報雨九龍神文

同州刺史元稹謹以清酌庶羞之奠敬祭于九龍之神  
是月巳巳刺史稹以二從事蒙受塵露百里詣龍爲七  
邑民赴訴不雨予固慙惻言訖涕下親爲龍言龍意享  
若是夕而應庚午而降辛未而洽癸酉而飮甲戌而霽

乙亥而報報典不渝龍祐宜永訖是嘉穀勿旱勿霖虞  
其有成無忘龍德尚饗

元氏長慶集卷第六十

祭文

祭淮瀆文

維元和九年歲次甲午十二月朔甲辰某日辰使謹遣  
某用少牢醴酒之奠昭禱于淮瀆長源公之靈浩浩靈  
源滔滔不息流謙順處潤下表德清輝可鑑浮穢不匿  
月映澄鮮霞明煥赫經界區夏左右萬國百川委輸萬  
靈受職越海貢誠載舟竭力剛哲用興凶戾潛殛眇爾  
吳頑蔑然蝨賊鴟張蔡郊蟻聚淮側喪父禮虧于君志  
復天子命我滌除妖慝卒乘  
戈鋌嶷嶷電淬爪牙



元集 卷六十一  
雷憤胸臆王心示懷士剪猶抑柔叛 衷取順拾逆咨  
爾有神逮爾有極彼暴我仁彼枉我直歸我者昌倍我  
者闢不斬祠祀不湮溝洫不殄渠魁不虐畏逼不進梯  
衝不耀矛戟火滅燎原人歸壽域然後潔神牛羊奉神  
黍稷告神有成謂神不惑尚饗

祭翰林白學士太夫人文

維元和六年七月某日文林郎守江陵府士曹參軍元  
稹謹遣弟某姪男祇酌捧饌敢昭告于白氏太夫人之  
靈嗚乎分同伯仲古則拜親既陪長幼之列遂生骨肉  
之恩禮由情展情以義殷情至則禮豈獨古人况稹早

歲而孤資性踈愚既不得爲達識者所顧亦不願與順  
俗者同趨行過二十塊然無徒及太夫人令子藝成學  
茂德馨一舉而奉芳蘭署再舉而振藻彤庭愚亦乘喧  
濫吹謬列莖英跡由情合言以心誠遠定死生之契期  
於日月可盟誼同金石愛等弟兄每均捧檄之祿迭慶  
循陔之榮用至於二門之童孺莫不達廣孝之深情逮  
稹謫居東洛泣血西歸無天可告無地可依喘息將盡  
心魂已飛太夫人推濟壑之念憫絕漿之遲問訊殘疾  
告諭禮儀減旨甘之直續鹽酪之資寒溫必服藥餌必  
時雖白日屢化而深仁不衰天平是感人乎詎知不幸

餘生苟活重戴冠纓丹展升堂之拜旋爲去國之行

澤畔之云幾奄天禍之無名朋友訃告慰問縱橫猶恍

恍而期悞忽浪浪而淚盈處衆憫默入門屏營移疾於

趨府之辰孰知潛慟視惟幼女在側無處言情行吟倚

歎夢哭寃驚往往不寐晨鍾坐聽豈由禮而當爾蓋感

深之所縈嗚呼仁之莫報哀不得申 太夫人以猶在

感今古之同塵嗚呼哀哉太夫人族茂 仁深聖善

勵諸子以學故大被澤隣示諸子以正故寸葱方判保

參不疑戒歌非淺重則金鑿之英季則蓬山之選豈

因地而德所貴飭躬而顯何昊天之不弔罔終惠於哲

人旣生賢與種德何顛顛之相因見聚螢而肄業知織

纒之嘗勤 將期於萬石曾不待夫重茵嗚呼哀哉誰

非顧復我實 疾有萌漸禍無因緣哀感行路况乃

令子之交親雖千詞之稠疊終萬恨之莫陳嗚呼哀哉

伏惟尚饗

祭禮部庾侍郎太夫人文

外孫女甥朝議郎守尚書祠部郎中知制誥元稹謹以

清酌嘉蔬之莫敢昭告于庾氏太夫人扶風郡太君韋

氏之靈赫赫韋門祁祁騫騫感著峻峙洛澤清源公卿

委累賢彥駢繁金玉不耗芝蘭有根厥生孟母德盛教

尊訓下以順睦族以姻猶子猶女惟弟惟昆至者處者  
終無間言他族之長豈無豐溫自我均養人用不怨佛  
氏有云世火焚燔慧劍斷網摩尼照懣心獨得深入  
妙門嗚呼良人早世素業空存以義爲軻避喧教  
自碧甃成于冠婚鬱爲重器瑚璉璵璠南北臺省東西  
掖垣更踐迭處以慰朝昏孝女視膳令婦執笄封燔茅  
社抱弄荃蓀陔蘭始茂隙駟俄奔神不可天何足論  
嗚呼哀哉白日入地盡妻羅軒燎宵燼銘旌曉翻望  
望踰闕遲遲改轅佳城故兆風樹爍原哀子泣血行人  
斷菟積也幼婦時惟外孫令姓異縣謫任遐藩升堂不  
及執紼空敦伏讀哀誄跪薦芳罇辭訣有禮悽愴無堪  
嗚呼哀哉尚饗

祭亡妻韋氏文

嗚呼敘官闕誌德行具哀詞陳薦奠皆生者之事也於  
死者何有哉然而死者爲不知也故聖人有無知  
嗚呼死而有知豈夫人而不知予之心乎尚何言哉且  
曰人必有死死何足悲死且不悲則壽夭貴賤縗麻哭  
泣藐爾遺稚蹙然鰥夫皆死之末也又何悲焉况夫人  
之生也選甘而味借光而衣順耳而聲便心而使親戚  
驕其意父兄可其求將二十年矣非女子之幸耶逮歸

于我始知賤貧食亦不飽衣亦不溫然而不悔于色不  
戚于言他人以我爲拙夫人以我爲尊置生涯於濩落  
夫人以我爲適道捐晝夜於朋宴夫人以我爲狎賢隱  
于幸中之言嗚呼成我者朋友恕我者夫人有夫如此  
其感也非夫人之仁耶嗚呼歔歔恨亦有之始予爲吏  
得祿甚微 日前之戚戚每相緩以前期縱斯言之可  
踐柰夫人之已而况携手於千里忽分形而獨飛昔慘  
悽於少別今永逝與終離將何以解予懷之萬恨故前  
此而言曰死猶不悲嗚呼哀哉惟神尚饗

祭亡友文

嗚呼英英君子汲汲仁義壽則道亨天亦德熾滔滔衆  
人汲汲名利材不稱官老不識事紫綬榮身黃髮垂穗  
徒擲天年竊耀名器石頑慧剛亦有何貴君雖促齡實  
大其志呼吸風雲擺落塵膩泥濻珠玉糞土名位瞪目  
尾流傾心俊異譽如不聞毀亦不忌不求近効直詣殊  
致困檻豺狼籠御鵬驥壟山堙海吞呵噴涓嶽立英髦  
粉碎庸媚德我者煌煌虛我者惴惴赫赫其門揚揚其  
氣念昔日之盡言此唯君之大意天不降年志亦沒地  
我輩尤在尚可晞冀故曰交本乎道道通乎類身沒類  
存道則不墜信後圖之未忘柰目前之歔歔昔江濱之

送君每重宵而疊醉曾不易其洋涯忽莫陳於喪次孀婦號呼哀亂提稚拜我者曩日之舊童示我者絕時之遺字埋萬恨於深心泗終天之別淚嗚呼哀哉尚饗

右元微之集六十卷微之以長慶癸卯鎮越大和已夏召還坐嘯是邦閱六寒暑今種山之喬木數十百章豈亦有甘棠存其間乎橫空傑閣蓋一城偉觀扁表所書則其州宅之率章也微之以文章鼓行當時謂之元和體在越則有詩人入幕府故鏡湖秦望之奇益傳所謂蘭亭絕唱陳迹猶可想唐志著錄有長慶集一百卷小集十卷傳于今者惟閩蜀刻本爲六十卷三館所藏獨有小集其文蓋已雜之六十卷中矣微之嘗彙其詩爲十體曰旨意可觀詞近古往者爲古諷流在樂府者爲樂諷詞雖近古而止於吟寫性情者爲古體詞實樂流

而止於模象物色者爲新題樂府聲勢沿順屬對穩切者爲律詩以七言五言爲兩體稍存寄興與諷爲流及爲律諷撫存感往者取潘子悼亡爲題暈眉約鬢匹配色澤劇婦人之怪豔者爲豔詩今古兩體其自敘如此今之所編頗又律呂乖次惜矣舊規之不能存也元公才名相埒樂天守吳財歲餘吳郡屢刊其文微之留郡許久其書獨闕可乎予來踵後塵蓋相去三百三十餘年矣乃求而刻之略能讎正脫誤之一二不暇復爲公次也書成寘之蓬萊閣乾道四年歲在戊子二月二十四日觀文殿學士左通奉大夫知紹興府兩浙東路安撫使鄱陽郡公洪适景伯書

撫使鄱陽郡公洪适景伯書

元氏長慶集補遺目錄

元氏長慶集補遺目錄

卷之一

詩

酬張祕書

春遊

夢遊春

古豔詩二首

古決絕詞二首

離思詩五首

雜憶詩五首

鷺鷥詩

春曉

贈雙文

卷二

大合樂賦

簫韶九成賦

元氏長慶集補遺目錄

元集補遺 目錄  
聞韶賦

卷之二

啓

賀裴相公破淮西啟

上興元權相公啟

上令狐相公啟

表

論裴延齡表二首

議

錢重物輕議

卷之三

判

錯字判

修隄請種樹判

田中種樹判

怒心鼓琴判

五品女樂判

毀方瓦合判

卷之四

制



授韋審規等左司戶部郎中等制

授蕭祐兵部郎中制

授羅讓工部員外郎制

授丘紆陳鴻員外郎制

授嗣虢王溥等太僕少卿制

授張籍祕書郎制

授張奉國上將軍皇城留守制

授杜叔良左領軍衛大將軍制

授劉泰清左武衛將軍制

授薛昌朝絳王傅制

卷之六 授土自勵原王府諮議制

授郭皎冀王府諮議制

授薛昌族等王府長史制

卷之五

制

授王承迪等刺史王府司馬制

授楊巨源郭同玄河中興元少尹制

授裴寰奉先縣令制

授衛中行陝州觀察使制

授蕭睦鳳州周豎渝州刺史制

元集補遺 目錄  
授王師魯等嶺南判官制

授鄭仁弼檢校祠部員外充橫海判官制

授王陟監察御史充西川節度判官制

授盧寧監察裏行宣州判官制

授崔廓等澤潞支使書記制

授何進亳州長史制

卷之六 封 與重胤妻張氏鄧國夫人制

授 與重胤山南西道節度使判

授 與捷深州長史制

卷之六

鸚鵡傳

元氏長慶集補遺目錄終

元氏長慶集補遺卷第一

唐河南元稹微之著 明松江馬元調纂甫輯

詩

酬張秘書因寄馬贈詩

丞相功高厭武名，牽將戰馬寄儒生。  
四蹄荀距藏雖盡，六尺鬚頭見尚驚。  
減粟偷兒憎未飽，騎驢詩客罵先行。  
勸君還却司空著，莫遣衙參傍子城。

春遊

此一篇乃白樂天所書錢穆父在越填刻于蓬萊閣下今亡矣

酒戶年年減，山行漸漸難。  
欲終心懶慢，轉恐興闌散。  
鏡水波猶冷，稽峯雪尚殘。  
不能辜物色，乍可怯春寒。  
遠目

傷千里新年思萬端無人知此意閒凭小欄干

夢遊春詞三十六韻

樂天集云七十一韻是今盡缺其半矣

昔君夢遊春夢遊何所遇夢入深洞中果遂平生趣清  
冷淺漫谿畫舫蘭篙渡過盡萬株桃盤旋竹林路長廊  
抱小樓門牖相回互樓下雜花叢叢邊繞鴛鴦池光漾  
彩霞曉日初明煦未敢上階行頻移曲池步烏龍不作  
聲碧玉曾相慕漸到簾幙閒併佻意猶懼閒窺東西閣  
奇玩參差布格子碧油糊駝鈎紫金鍍逡巡日漸高影  
嚮人將寤鸚鵡饑亂鳴嬌娃睡猶怒簾開侍兒起見我  
遙相諭鋪設是紅茵施張鈿妝具潛褰翡翠帷瞥見珊

瑚樹不見花貌人空驚香若霧回身夜合偏斂態晨霞  
聚睡臉桃破風汗妝蓮委露叢梳百葉髻金感重疊履  
批軟殿頭裙玲瓏合歡袴鮮妍脂粉薄閣淡衣裳故最  
是紅牡丹雨來春欲莫夢魂良易驚靈境難久寓夜夜  
望天河無由重泔沂結念心所期返如禪頓悟覺來八  
九年不向花回顧雜洽兩京春喧闐衆禽護我到看花  
時但作懷仙句浮生轉經歷道性尤堅固近作夢仙詩  
亦知勞肺腑一夢何足云良時自婚娶當年二紀初嘉  
節三星度朝舞玉珮迎高松女蘿附葦門正全盛出入  
多歡裕

古豔詩二首

即傳所謂上豔  
春詞二首是也

春來頻到宋家東  
垂袖開懷待好風  
鶯藏柳閣無人語  
惟有墻花滿樹紅

深院無人草樹光  
嬌鶯不語趁陰藏  
等閒弄水流花片  
流出門前賺阮郎

古決絕詞三首

乍可爲天上牽牛織女星  
不願爲庭前紅槿枝  
七月七日一相見  
故心終不移  
那能朝開暮飛去  
一任東西南北吹  
分不兩相守  
恨不兩相思  
對面且如此  
背面當何如  
春風撩亂伯勞語  
況是此時拋去時  
握手苦相問  
竟

不言後期君情既決絕  
妾意亦參差  
借如死生別  
安得長苦悲

噫春冰之將泮  
何予懷之獨結  
有美一人於焉曠絕  
一日不見比一日於三年  
况三年之曠別  
冰得風兮小而已  
波筍在苞  
今高不見節  
矧桃李之當春  
競衆人之攀折  
我自顧悠悠而若雲  
又安能保君皚皚之若雪  
感破鏡之分明  
覩淚痕之餘血  
幸他人之旣不我先  
又安能使他人之終不我奪已焉  
哉織女別黃姑  
一年一度誓相見  
彼此隔河何事無  
夜夜相抱眠  
幽懷尚沈結  
那堪一年事  
長遣一宵說  
但

感久相思何暇暫相悅虹橋薄夜成龍駕侵晨列生憎  
野鶴性遲回死恨天雞識時節曙色漸曠曠華星欲明  
滅一去又一年一年何時徹有此迢遞期不知生死別  
天公隔是妒相憐何不便教相決絕

離思詩五首

自愛殘粧曉鏡中環釵謾篸綠雲叢須臾日射顰脂頰  
一朶紅酥旋欲融

山泉散縵繞堦流萬樹桃花映小樓閒讀道書慵未起  
水晶簾下看梳頭

紅羅著壓逐時新杏子花紗嫩麴塵第一莫嫌才地弱

些些紕繆最宜人

曾經滄海難爲水除卻巫山不是雲取次花叢嬾回顧  
半緣修道半緣君

尋常百種花齊發偏摘梨花與白人今日江頭兩三樹  
可憐枝葉度殘春

雜憶詩五首

今年寒食月無光夜色纔侵已上牀憶得雙文通內裏  
玉櫳深處闌闌香

花籠微月竹籠煙百尺絲繩拂地懸憶得雙文人靜後  
潛教桃葉送鞦韆

寒輕夜淺繞迴廊。不辨花叢鬧。辨香憶得雙文。籠月下。  
小樓前後捉迷藏。  
山榴似火葉相兼。亞拂低墻半。拂簷憶得雙文。獨披掩。  
滿頭花草倚新簾。  
春水消盡碧波湖。漾影殘霞似有無。憶得雙文衫子裏。  
鈿頭雲映褪紅酥。

鶯鶯詩

殷紅淺碧舊衣裳。取次梳頭闌淡粧。夜合帶煙籠曉日。  
牡丹經雨泣。殘陽依稀似笑還。非笑彷彿聞香。不是香。  
頻動橫波嬌不語。等閒教見小兒郎。

母一岸嘔阿

春曉

半欲天明半未明。醉聞花氣睡聞鶯。狂兒撼起鍾聲動。  
二十年前曉寺情。

贈雙文

豔極翻含態。憐多轉自嬌。有時還自笑。閒坐更無聊。曉  
月行看墮。春酥見欲銷。何因肯垂手。不敢望回腰。

賦

大合樂賦

以王者之政備  
下樂聲爲韻

樂者制也。所以道天和全人性。故作之以崇德。審之以  
知政。王者敬其事而闡其道。順其時而行其令。逮夫季

春戒期乃命有司且曰群萌達矣播樂安之重以國經  
 不可闕躬理必以時訂一作將齊度於節奏被選樂於聲  
 詩撰乃吉日總於樂師是用資於誨爾亦無忝於命夔  
 由是司儀辨等庶工守位備絃管之聲陳匏竹之器祝  
 啟邈迤而就列篋箎嶙峋而居次克展禮容而告樂備  
 天子於是率九卿暨三事必虔心而有待俾陪扈而斯  
 致既親覩於宮懸又何假以庭試若乃曲度是并不可  
 殫名雜以韶護開以英莖追宣尼之前聞是能忘味念  
 師乙之舊說各辨遺聲考彼廢興存乎清濁安以樂且  
 知治世之音哀以思不雜異方之樂類飛聲於垂仁等  
 潤物於流渥足使魏文侯之卧聽已悟前非吳季子之  
 備觀難施先覺既盡美矣又何加乎諒從律而罔惑將  
 克諧而不渝必在聽和知其樂也洩洩是惟反朴變其  
 風也于于具舉不患乎聲希統同寧貴於和寡矣必響  
 鈞天之靈賦而有殊焉想洞庭之異音更思古者誠夫  
 天祥我皇恩歷遐昌掩邃古之嘉樂軼三代之盛王竊  
 賀聲明之巨麗敢聯雅頌之遺章

簫韶九成賦

以曲終九成百獸皆舞為韻

聖人順天道防人欲布和以調其性宣樂以察其俗氣  
 將道志五聲發以成文化盡歡心百獸率而叶曲茫茫



大空樂生其中聲隨化感律與天通交四氣之薄暢貫  
三光乎昭融將君子以審樂故先王以省風致同和於  
天地諒難究其始終惟樂之廣于何不有包陰陽兮不  
集不散降神靈兮或六或九故季札聆音而感深宣尼  
忘味於耳盈昭覆憐兮煦嫗召游泳以飛走演自宵冥  
發於性情將不動而爲動自無聲而有聲五者通三我  
則貫三才而作陽數有九我則至九變而成不然者何  
以調大中何以繼光宅作終樂於數四歷君子之凡百  
其聲轉融其道彌赫大哉至樂于以洪覆收之而合乎  
希夷張之而散乎宇宙感八神與地祇格靈禽與仁獸  
扇風化而以攢則雍熙之可就大韶命曲大章同濟旣  
和且樂亦孔之皆且簫爲器之所細鳳爲王之所懷若  
德憑之音感清淨之化乖則歌已而於狂客孰來儀於  
克諧恭惟我君配天作主命工典樂考法師古泱聲教  
之汪濊合堯禹之規矩士有聞韶嘉於蘊道擊壤希乎  
可取同鳥獸之歸仁承德音而率舞

聞韶賦

以宣父在齊三  
月忘味爲韻

韶則盡美聽何可忘况至德之斯過聆音音之孔揚天  
縱多能信以嘉乎擊拊神資博學知具美於典章用而  
不匱樂亦無荒若充乎四門之術不離乎數仞之墻驗

則足徵用之可貴聖者妙而合道志者仰而自慰悅五  
 音而四直孰謂其聾致六府之和平自忘於味省風而  
 八風叶暢觀德而九德昭宣季子慙遊於魯地穆公徒  
 響於鈞天曷若觀率一作于舞聆薰絃變態罔已周流自  
 然可以深骨髓而期富壽豈徒資視聽而娛聖賢至若  
 清磬虛除朱絃踈越鼗鼓以之迭奏笙鏞於焉閒發以  
 感陰陽於宇宙耀光明於日月自表虞德之不衰豈效  
 文王之既沒是知武也未善護也有慙鈞化歸於二八  
 讓德明乎再三所以其道不窮厥監斯在驗率舞於百  
 獸想同和於四海如其樂正非關自衛而來儻俟風移  
 有移從周而改情情不極香香乍進俄將復矣抑又揚  
 金夢周公而不見想聖德而思香香開斯行諸厥不踰矩  
 厥心眩目是何其觀德然而惟三歌如在夫家天滌爾  
 而施嘉績已吟於九土聖志味於三月諒永懷於千古  
 幸賦韶樂之遺音美哉尼父

元氏長慶集補遺卷第二

啓

賀裴相公破淮西啓

某啓伏見當道節度使牒伏丞相公生禽吳元濟歸斬  
闕下功高振古事絕稱言億兆謹呼天下幸甚某聞舉  
世非之而心不惑者謂之明群疑未亡而計先定者謂  
之智日者天棄淮蔡蓄爲汙渚五十年間三后垂顧眇  
爾元濟繼爲凶妖謂君命可逃以父死爲利聖上以睿  
謨神算方議剪除群下守見習聞咸懷阻沮公英猷獨  
運卓立不回內排疑惑之詞外輯異同之旅三軍保任

一 意誅鋤投石之卵雖危拒輪之臂猶奮賴閣下忠誠  
憤激親自拊巡靈旗一臨餘沴電掃此所謂侯周公而  
後淮夷服得元凱而後吳寇平凡在陶甄孰不忻幸况  
某早趨門館抃躍九深僻守遐荒不獲隨例拜賀無任  
踴躍徘徊之至

上興元權尚書啓

某啓某聞周諸侯生桓文時而不列於盟會則夷狄之  
以其微不能自達於盟主也元和以來貞元而下閣下  
主文之盟餘二十年矣某亦盜語言於經籍卒未能効  
互鄉之進甚自羞之自陛下以環梁十六州之地授閣

下麾蓋鉄檠玄纛青旌晨

一作泉皆可疑

魚符竹信車朱左右

轡府置軍司馬以下官屬刻節而惣制之則其實爲環

內之州司馬而又移族謁醫在閣下治所私心懽欣願

改前耻然而吏通之初有言通之州幽陰險蒸瘴之甚

者私又自憐其才命俱困恐不能復脫於通由是生心

悉所爲文留置友善冀異日善惡不忘於朋類耳筐篋

之內遂無遺餘方創新

一作雜

詞以須供

一作供

贊不幸瘵

瘵暴侵手足沉廢恐一旦神棄其形終不得自進於閣

下因用官通已來所作詩及常記臆者共五十首又文

書中得遷廟議移史官書戲難紀并在通時叙詩一章

元集補遺 卷二  
次爲卷軸封用上獻塵蹟尊重帖伏廻違謹以啓陳不  
宣謹啓

上令狐相公詩啓

某啓某初不好文章徒以仕無他技一作岐強由科試及

有罪譴棄之後自以爲廢滯潦倒不復以文字有聞於

人矣曾不知好事者挾摘芻蕪塵黷一作微尊重竊承相

公直於廊廟閒道某詩句昨又面奉教約令獻舊文踐

汗悚踴一作躍慙忝無地其始自御史府謫官於外今十

餘年矣閒誕無事遂用力於詩章日益月滋有詩向千

餘首其閒感物寓意可備矇瞽之諷達者有之詞直氣

麤罪戾是懼固不敢陳露於人唯盃酒光景閒屢爲小

碎篇章以自吟暢然以爲律體卑痺一作下格力不揚苟

無姿態則陷流俗常欲得思深語近韻律調新屬對無

差而風情自遠然而病未能也江湘集作湖閒多有新進

小生不知天下文有宗主一作宋妄相倣傚一作非而又

從而失之遂至於一無支離褊淺之詞皆自謂一作自字

爲元和詩體某又與同門生白居易友善居易雅能爲

詩就中愛驅駕文字窮極聲韻或爲千言或爲五百言

律詩以相投寄小生自審不能以有以過之往往戲排舊

韻別創新詞名爲次韻相酬蓋欲以難相挑耳江湖閒

元集補遺 卷二 三

爲詩者復相放倣力或不足則至於顛倒語言重複首尾韻同意等不異前篇亦自謂爲元和詩體而司文者考變雅之由往往歸咎於稹嘗以爲雕蟲小事不足以自明始聞相公記憶累旬已來實懼糞土之墻庇以大廈便不摧壞永爲版築之娛輒寫古體詩一百首百韻至兩韻律詩一百首合爲五卷奉啓跪陳或希構厦之餘一賜觀覽知小生於章句中樂櫨榱桷之材盡曾量度則十餘年之遭迴不爲無用矣詞旨瑣劣冒黷尊嚴俯伏刑書不敢逃讓死罪死罪

表

論裴延齡表

臣某言臣昨二十五日宰臣伏宣聖旨以陸贄敗官罪狀不可書於詔命陛下慈仁愛人恩宥愚直仍令後有所見得以上聞臣忝職諫司不勝大幸臣等前所上表言陸贄等得罪之由起於讒構此皆延齡每自倡言以弄威寵及奉宣示奸詐乃明陸贄久在禁垣復典樞要今之譴責固出聖衷竊以李克勵志卹人勤身奉職惠愛之化洽於細微頃以公事之閒與延齡相敵未貶之月延齡亦以語人讒構之端群情是惑臣聞大臣之體出於讒辭安可持密勿之言爲忿怒之柄朝廷側目遠

通搖心百官素不能親附延齡者屏氣私門不知自保  
陛下聖德下照物無所遺豈獨厚於一夫而乃薄於天  
下伏惟發誠謹中官備問閭里有言延齡無罪李克有  
過臣實微眇敢逃天誅李克覆族亡家於臣何害事關  
大本不敢自私延齡奸計萬殊方司以真觀遺訓日  
賄陰結匪人則他時之過彰聞路絕以真觀遺訓日  
經宸心去其邪謀以慰天下幸甚幸甚臣不勝懇迫之  
至

又論裴延齡表

臣某言聞者陛下親授臣以直言之詔又命臣以言責

之官奉職以來未嘗忘死誓將忠懇上答鑄造竊以裴  
延齡虧損聖德瀆亂典章違其心欲以蝥毒黎元恣其  
苛刻以動搖邊鄙弄陛下爵位以公授私人盜陛下威  
權以誘脅忠善賢愚注耳朝野同辭臣固不敢飾其繁  
文再擾聰明所以晝夜感憤不能自寧者以陛下執刑  
賞之柄不僭在人延齡狡詐公行曾不爲念伏見去年  
十二月五日敕度支計管李玘配流播州張勛配流崖  
州仍各決六十斯則延齡自快恣心曲遂其狀陛下聽  
之以誠謂爲當舉峻其所罰用直群司罪名及加寬聲  
大振陛下深鑒其事詔命中留曾不旬朝馳聞海內使

遠方之人疑陛下明有所權令無必行奸以陷君孰任其咎儻二人獨決延齡之手死不得言化理之失豈不重乎陛下常以登聞之鼓置之於庭必欲人情纖微不滯於外比來或事繁度支銜寃上訴皆不卽驗問盡付延齡縲囚衣冠攘奪孤賤身不足償其怒家無以應其求怨痛內絨誰與爲理矧繳盈路動而見拘咫尺天門不敢上訴延齡之威益熾疲人之苦日深陛下以延齡爲賢言者皆妄不若明白其罪昭示萬方使延齡無辜辨之何害儻克惡滋蔓鬱於人心決之不時所傷豈細臣實寒心銷肉用是爲憂伏惟俯鑒聖情召臣問狀有

一非據罪在面欺臣不勝迫切之至

二表見文苑英華舊注陸贄貞元十

年敗元種元和元年除拾遺相去十一年疑非積作愚按微之以十五明經及第二十八中制科爲拾遺當裴之盛雖未爲諫官而已年十八九矣二表或是代人之作蓋公與樂天書叙貞元十年已後事云心體悸震若不可活思欲發之久矣則裴亦時事之尤舛者也况公生長京城代人作表論裴想當然爾

議

### 錢重物輕議

右臣伏見中書門下牒奉進止以錢重物輕爲病頗甚宜令百寮各隨所見作利害狀類會奏聞者臣備位有司謬總邦計權物變弊職分所當固合經心自思上達豈宜待問方始啓謀臣伏以作法於人必求適中苟非



濟衆是作不臧所以夙夜寘懷重難其術伏奉制旨旁  
採庶寮臣實有司敢不知愧既不早思所見上沃聖聰  
今乃備數庶官肩隨奏議無乃失有司奉職之體負尸  
位素殮之責况道謀孔多是用不集盈庭之言自古所  
知至於業廣卽山稅徵穀帛發公府之朽貫禁私室之  
滯藏使泉流必通物定恒價羣議所共措事皆然但在  
陛下行之有司遵守利害之說自足可徵若更將廣引  
古今誕飾詞辯有齊畫餅無益國經恐重空文不敢輕  
議謹議

元氏長慶集補遺卷第二

元氏長慶集補遺卷第三

判

錯字判

丁申文書上尚書省按之辭云雖誤可行用

對

文奏或差本虞行詐此例可辦必有原情苟異因緣之  
姦則矜過誤之罰丁也方將計簿忽謬正名曾不戒於  
爰毫遂見尤爲起草然以法存按省誤有等差倘以百  
爲千比賜縑而難赦若當五而四縱闕馬而何傷苟殊  
魚魯相懸宜恕甲由未遠按其非是雖懷三豕之疑訴

元集補遺 卷三  
以可行難書一字之貶請諸會府棄此小瑕非愚訴人  
在法當爾

易家有歸藏判

甲爲處士家畜歸藏易常以七八爲占隣人告其左道  
不伏

對

四營成易本用窮神三代演圖孰云疑衆甲志敦素履  
學洞青囊不言非聖之書忽招誣善之告雖九六布卦  
我則背於周經而七八爲占爾盍觀於殷道徒驚異象  
曾是同歸辨數雖冠履相睽得意而筌蹄可忘且穆姜

遇艮足徵麟史之文尼父得坤亦驗歸藏之首以斯僭  
責可用質疑

修隄請種樹判

乙修隄畢復請種樹功價有司以爲不急之務乙固請  
營繕令諸侯水隄內不得造小隄及人居其隄內外各  
五步并隄上種榆柳雜樹若隄內窄狹地種擬充隄堰  
之用

對

善防旣畢固合程功柔木載施亦將補敗乙之亟請誰  
謂過求隱椎之役雖終列樹之思尚切有司見阻無備

元集補遺 卷三  
實難苟恡養材之資蓋非長利遠求爲捷之用豈不重  
勞當有取於繕完顧何煩於藝植且十年可待五步足  
徵防在未萌著之先甲因而致用庶無瓠子之災言之  
不從恐累匏瓜之繫

夜績判

得縣申歲十月入人里胥使婦人相從夜績每月課四  
十五功聽其歌詠行人善之徇於路按察禁之太師以  
失職致詞

對

天迴地旋陽生陰息玉衡指孟冬之野促績鳴寒金鼎

臨短景之昏厥人當燠相彼同色

疑作邑

懋哉惟時戒坐

之里胥稽其既入率同巷之衆婦績以相從素緒霜  
梁共紛如於永漏紅光炎上俱省費於餘輝夜兼功以  
日多日存課而年最若廉叔之勸蜀襦袴興謳類古公  
之居幽茅絢斯誦故令風俗翕習家室乃宜有未得其  
所然或心傷而發詠則標梅求吉編王化之音采芑懷  
征列雅章之內行人掌乎宣布載在搜揚得詠言於此  
邦將遐徇以道邁太師典樂允被克諧之恭按察觀風  
何爲失職之禁先王制法寧罰有詞

乙於田中種樹隣長責其妨五穀乙乃不伏漢書食貨志種穀必雜五穀以備災傷田中不得有樹用妨五穀力耕數耘收穫如寇盜之至環志作還廬樹桑云云

對

百草麗地在物雖佳五稼用天於人尤急乙姑勤樹事頗害農收列植有味於環廬播種遂妨於終畝雖倚桐梓漆或備梓人之材而黍稷稻粱宜先后稷之穡苟虧冒隴焉用成蹊縱有念於息陰豈可侔於望歲植之場圃合奉周官置在田疇殊乖漢制既難償責無或順非

屯田官考績判

戊為營田使申屯田官考課違常限省司不收辭云待

農事畢方知殿最

對

要會有期誠宜獻狀籍斂未入何以稽功戊也將俟農收方明績用三時罔害然有別於耗登五稼未終安可議其誅賞當從責實寧俾課虛苟欲考於歲成姑合思其田事雖賢能是獻比要宜及於計借而稼穡其難收功當俟於協入詳徵著令固有常規農扈之政不乖蘭省之非斯在

怒心鼓琴判

甲聽乙鼓琴曰爾以怒心感者乙告誰云詞云粗厲之

對心趙琴賦

感物而動樂容以和苟氣志憤興則琴音猛起倘精察之不昧豈情狀之可逃况乎乙異和鳴甲惟善聽克諧清響將窮舞鶴之能俄見殺聲以屬捕蟬之思憑陵內積趨數外形未平君子之心翻激小人之慍既彰蓄憾詎爽明言詳季札之觀風尚分理亂知伯牙之在水豈曰壽張斷以不疑昭然無妄宜加黜職用刺褊心

迴風變節判

甲鼓琴春叩商秋叩角樂正科憇時失律訴云能迴風

變節

對

八風從律氣必順時五音迭奏和則變節絲桐之妙苟極寒暑之應或隨甲務以相宣因而牙動和飯牛之唱白露乍結於東郊授舞鶴之聲青陽忽生於南呂鼓能氣至藝與天同且異反常之妖何傷應感而起惡夫典樂曾是濫科涼風徐動於鄭奏遽云失節寒谷倘移於鄒律何以加刑克叶之薰無今寘棘

五品女樂判

辛為五品官有女樂五人或告於法訴云三品已上有

一部不伏 對

聲樂皆具以奉常尊名位不同則難踰節辛也榮沾五命始用判懸僭越三人終乖儀制非道不處多備何為苟耽盈耳之繁遂過粲今之數廣張女列徒効尤於馬融內顧何功欲思齊於魏絳罔循唐令空溺宋音雖與一部之詞其如隔品之異請懲擾雜以償人言

學生鼓琴判

已為大學生好鼓琴博士科其廢業訴云非鄭衛之音

對

夙夜惟寅雖無捨業琴瑟在御誰謂溺音苟未爽於克諧亦何傷於不撤乙也良因釋卷雅尚安絃期青紫於通經喜趨槐市鼓絲桐之逸韻叶暢薰風好濫既異於文侯和聲豈乖於曾子欲科將落合辨所操儻雜桑間之淫須懲頌手若經杏壇之引難責平心未詳綠綺之音何速青衿之刺忝司編蒞當隸國章載考繩違恐非善教

毀方瓦合判

太學官教胄子毀方瓦合司業以為非訓導之本不許

對

元集補遺 卷三  
教以就賢雖無黷下俾其容衆則在毀方太學以將務  
發蒙宜先屈已君子不器須懷虛受之心至人無方何  
必自賢於物爰因善諺式念思恭將戒同塵之誠遂由  
合土之譽况卑以自牧仲尼嘗述於爲儒禮貴用和子  
張亦非於拒我義存無傲道在可嘉長善之本不乖成  
均之言何憎

元氏長慶集補遺卷第四

制

授韋審規等左司戶部郎中等制

敕尚書郎會天下之政上可以封還制誥下可以昇負  
牧守居可以優游殿省出可以察視違尤非第一流不  
議茲選守職方郎中上騎都尉韋審規等皆歷踐臺閣  
閑達憲章或滿歲當遷或擇才斯授皆極一時之妙足  
爲三署之光於戲提紀綱而分命六聽左右司之職甚  
重登生齒以比董九賦人曹郎之任非輕勉竭彌綸之  
心勿虛俊茂之舉可依前件

授蕭祐兵部郎中制

敕兵部郎中佐夏官理邦國以平不若辨九法九伐之重輕稽五兵五楯之衆寡非踐更臺閣從容聞望者不在茲位流品既清選任彌重朝議郎守尚書考功郎中上護軍賜緋魚袋蕭祐才行忠信達於予聞課吏陟明誕若攸職拾青紫於儒術擅金石之揮毫允謂賢能宜當慰薦可守尚書兵部郎中散官勲賜如故

授羅讓工部員外郎制

敕義成軍前度支判官朝議郎檢校刑部員外郎兼侍御史上柱國賜緋魚袋羅讓昔陶弘景一代高人始願

四十爲尚書而猶不遂國朝選署尤用其良以爾讓敏而好學直而能溫甲乙亟登班資歷踐頃將軍辟士權資孫楚之坐籌今會府掄材復獎馬宮之射策無忘辨護以宣程品日省月試用勸百工可尚書工部員外郎授丘紆陳鴻員外郎等制

敕朝議郎行左補闕上柱國丘紆諫諍之臣入言於密勿之際群下莫得而知然而政有汙崇由爾之得失也朝議郎行太常博士上柱國陳鴻禮秩之官草儀於朝廷之內四方之所觀聽是以察其事爲見爾之能否矣以爾紆久於侍從可以序遷以爾鴻堅於討論可以事



元集補遺 卷四  
舉並命省闈足謂恩榮慎乃攸司無違夙夜紆可膳部  
員外郎鴻可虞部員外郎

授嗣虢王溥等太僕少卿制

敕正議大夫行宗正丞嗣虢王溥守隨州司馬員外置  
同正員李逢等昔我憲宗章武皇帝法堯睦族深惟本  
枝乃詔執事曰伯父叔季幼子童孫在屬籍者必命卿  
長以才行聞而溥等國族之良雅副茲選糾訓群僕允  
釐王官各率迺誠無替厥職溥可權知太僕少卿逢可  
守袁王府長史餘如故

授張籍秘書郎制

敕張籍傳云王澤竭而詩不作又曰采詩以觀人風斯  
亦警予之一事也以爾籍雅尚古文不從流俗切磨諷  
興有助政經而又居貧晏然廉退不競伴任石渠之職  
思聞木鐸之音可守秘書郎

授張奉國上將軍皇城留守制

敕環太微諸星有上將次將之例所以拱衛宸極誰何  
不若 句予置上將軍以禦侮率是道也前皇城留守張  
奉國謙能養勇明以資忠卑飛翕翼於未擊之前痛心  
疾首於見危之際常一作能擒狡獪克定妖氛行賞計功  
屢昇榮級朕愛其忠厚難以外遷稍移婁胃之閒不失

爪牙之任爲吾守禁勉爾于城可檢校兵部尚書兼左  
衛上將依前充皇城使

授杜叔良左領軍衛大將軍制

敕十二衛大將軍典掌禁旅張皇六師猶藩垣之捧宸  
極也爲任不細是以出則授以弧矢驅犬羊於虜庭入  
則委以瓜牙領貔貅於魏闕中外遞用僉謂恩榮前朝  
方靈鹽定遠等城節度副大使知節度事觀察處置押  
蕃落等使元從奉天定難功臣開府儀同三司檢校工  
部尚書兼靈州大都督府長史大夫上柱國安定郡王  
食邑三千戶杜叔良將門之子不墜弓裘頗閱詩書素

明韜畧頃以五原近寇禦侮才難遂俾毆攘實資毅勇  
星霜屢換節制斯勤雖不立奇功而無忘慎固尚多毗  
倚廼命徼巡勉服新恩以彰前効可驃騎大將軍行左  
領軍衛大將軍元從功臣勲封如故

授劉泰清左武衛將軍制

敕劉泰清文武並用必推其才久次不遷則有昇敘以  
爾踐更吏職星歲頗淹例當酬勞用進常秩奮我武衛  
以列周廬斯亦信臣之任也其勤厥職式副予恩可游  
擊將軍守左武衛將軍

授薛昌朝絳王傅制

敕薛昌朝等國有政職之要其一日具員所以稽績用而昇秩序也爾等典掌眾務勤歷一作勞歲時無畏一作涼厥官能舉其政擇才以佐諸邸選士以列東朝亦吾蘊崇本枝之意也爾無易之可依前件

授王自勵原王府諮議制

敕王自勵左右禁旅非材力過人而忠厚謹信者不在壁壘庫樓之地惟爾自勵備吾選中平蔡之師亦有功伐追思舍爵之賞擢授曳裾之寮特示新恩且仍舊職可檢校太子賓客兼原王府諮議參軍依前殿中侍御史如故

授郭皎冀王府諮議制

敕郭皎材任爪牙姻連肺腑領轅門之右廣假桂苑之元寮夙著威名嘗頒勇爵元戎啓狀慶澤覃恩宜輟豹韜之雄以資鴈沼之畫可行冀王府諮議參軍餘如故

授薛昌族等王府長史制

敕建邦之王府置長史司馬以紀掾屬之秩序而稽其職業也前寧州刺史薛昌族前泌州刺史烏重儒等皆勲伐之子孫並良能之牧守朕河山在念肯忘獎勞藩邸求才實思高選昔阮孚以嘯詠自樂龐參有忠烈可佳更任王宮咸稱國器今之榮授其在茲乎佇移汝理

郡之方以助予維城之固昌族可行絳王府長史重儒  
可守冀王府司馬散官勲如故

元氏長慶集補遺卷第五

制

授王承迪等刺史王府司馬制

敕莒王府司馬王承迪恭王府諮議參軍賜緋魚袋王  
承慶等乃祖乃父有勞邦家而承迪等亦効忠於我伯  
仲叔季罔漏恩榮或典方州或昇清貫惟恐未稱豈礙  
彝章兼秩憲臺勉當優異承迪可守普州刺史承慶可  
莒王府司馬兼侍御史賜如故

授楊巨源郭同玄河中興元少尹制

敕具官楊巨源詩律鏗金詞鋒切玉相如有凌雲之勢

陶潛多把菊之情朝請郎前守華陰縣令郭同玄文戰  
得名吏途稱最劉超推出納之善王渙著抑挫之名皆  
用已長各居官守因其滿秩議以序遷稽其器局之良  
宜叅尹正之亞巨源可守河中少尹同玄可權知興元  
少尹

### 授裴寰奉先縣令制

敕裴寰等尹正務重自掾屬已下至于邦畿之長往往  
選署以聞從而可之亦委任責成之義也以爾等或理  
謀居最或保任稱能將委劇曹亦專近邑各懋乃職用  
酬爾知可依前件

### 授衛中行陝州觀察使制

敦邵伯聽事於棠陰之下而人勿翦其樹我知之非忠  
信仁愛以得之耶今自關東由洛而右數百里之地盡  
置為輜車臣所理蓋有以表率方夏張皇京律聿求其  
良用副憂寄朝請大夫守華州刺史兼御史中丞衛中  
行始以詞賦深美軒然有名甲乙符昇遂拾青紫逮其  
書命文鋒益銛能舉菁華以集麗則出補近郡號為廉  
能勤而不煩簡而不苟郊迓館穀賓至如歸長劭農人  
咸用胥悅移領巨鎮疇將爾先况封壤因連習俗叅合  
用之政又關陝之毗吾固有虞於爾矣至於觀聽他邑

儀刑下寮旁臨傳說之巖特假趙堯之印遺風未泯官業具存苟能行之無患不至可守陝州大都督府長史兼御史大夫克陝虢等州都防禦觀察處置等使

授蕭睦鳳州周載渝州刺史制

敕前劔南三川權鹽判官殿中侍御史內供奉蕭睦前知鹽鐵轉運山南東道院事殿中侍御史周載等由文學古施於有政三驗所至莫匪良能河池近藩南平東險綏戍阜俗必藉長才副我虛求一作懷牧茲凋廢事時農勸用節人安三年有成惟乃之効睦可鳳州刺史載可渝州刺史

授王師魯等嶺南判官制

敕王師魯等古稱南海為難理蓋蠻蠻獠俚之雜俗有珠璣瑋瑁之奇貨為吏者不能潔身無以格物是以非吳處默之清德不可以耀遠人非孫子荆之長才不可以叅密畫爾等皆當茂選取重元戎更職命官各如來奏可依前件

授鄭仁弼檢校祠部員外充橫海判官制

敕鄭仁弼諸侯辟士古實有之近制二千石以上乘軺車者則開幕選才由古道也仁弼等有勞叅畫重胤以聞威等著稱詞華翮亦致請臺省茂膺兼命式示恩榮

無忘切磨用副匡益可依前件

授王陟監察御史充西川節度判官制

敕王陟等列諸侯之賓者遷次淹速得與上臺比倫其或饋餉務繁叅畫禮重亦得輟自他職副其所求爾等或以政聞或以藝舉守臣上請信不予欺各竭乃誠以修厥績可依前件

授盧寧監察裏行宣州判官制

敕盧寧等宣城重地較縉之數歲不下百餘萬管幹劇職靈鹽近戎分務簡僚不易宜稱爾等研究儒術修明政經勉慎所從以承其長可依前件

授崔鄘等澤潞支使書記制

敕崔鄘鄭翽等近制藩府臣僚自軍司馬以下皆得選任其良執事者所移異職而鄘等事翹以狀聞各以秩遷毗于新邑勉爾誠志俾無尤違鄘可監察裏行充澤潞等州觀察支使翽可協律郎充昭義軍書記

授楊進亳州長史制

敕楊進頃者師道潛遣兇徒將焚京洛姦謀指日忠告先期俾無賴尾之災實賴赤心之効雖居禁衛未免食貧言念前勞宜沾厚秩式佐郡府仍壯軍容尚旌撲滅之功以示優崇之賞可守亳州長史仍令宣武軍節度

元集補遺 卷五  
收隨要中驅使

封烏重胤妻張氏鄧國夫人制

敕古者夫爲大夫則妻爲命婦况在小君之位未加大國之封豈唯有廢徽章抑亦無以勸忠力也某官烏重胤妻張氏以鳴鳩之德作合邦君輔成勲猷馴致爵位雖從夫貴未授國封今以南陽本邦善地錫爲湯沐加號夫人茲乃殊榮足光閨闈可封鄧國夫人

授烏重胤山南西道節度使制

門下惟梁州會險形束襟帶皇都南開蜀國西控戎落地宜用武政必兼文茲惟信臣膺是專委橫海軍節度

使烏重胤才本雄勇器惟溫茂承累將之業不以驕人歷重兵之權每思下士沉威不耀至信自彰立奇節於遏亂之初成休勲於盪寇之日焯然來効夙簡朕心自經理海邦訓齊戎旅災荒之後安阜爲難政以和均人斯悅勸善績可舉壯猷克宣是用遷鎮近藩更弘遠畧恢復西土伊正南都式寵忠勲宜服榮獎可檢授司空充山南西道節度使

授盧捷深州長史制

敕前成德軍節度巡官盧捷朕以鎮冀數州之地刑賞廢置盡委之於弘正度爾才能宜爲長佐且願兼榮允



吾公臣是用兩可饒陽大邑無陋厥官可依前件

外直對系州文吏

交山南西道僧表對

刑野西土野五南味左請志德宜以端樂百外自空

漢制博善壽河舉非精京官具日學聖止世文以表舉

聖聖無律信齊文海流英武之姿聖文論撰文心味以入

世傳之何又木書人聖聖文之日以文入心及商相公自

聖聖其心聖聖其心聖聖其心聖聖其心聖聖其心聖聖其心

元集補遺卷第六

鴛鴦傳

才見張生身

唐貞元中有張生者性溫茂美丰容內秉堅孤非禮不可入或朋從遊宴擾雜其間他人或洵洵拳拳若將不及張生容順而已終不能亂以是年二十二未嘗近女色知者詰之謝而言曰登徒子非好色者是有淫行耳余真好色者而適不我值何以言之大凡物之尤者未嘗不留連於心是知其非忘情者也詰者哂之無幾何張生遊於蒲蒲之東十餘里有僧舍曰普救寺張生寓焉適有鄭氏孀婦將歸長安路出於蒲亦止茲寺崔氏

女鄭婦也。張出於鄭，緒其親，乃異派之從母。是歲，渾瑊  
薨於蒲，有中人丁文雅，不善於軍，軍人因喪而擾，大掠  
其人。崔氏之家，財產甚厚，多奴僕，旅寓惶駭，不知所託。  
先是，張與蒲將之黨友善，請吏護之，遂不及於難。十餘  
日，廉使杜確將天子命，以統戎節，令於軍。軍由是戢，鄭  
厚張之德甚，因飾饌以命張中堂坐之。復謂張曰：「姨之  
孤嫠未亡，提攜幼稚，不幸屬師，徒大潰，寔不保其身。弱  
子幼女，猶君之生也，豈可比常恩哉！今俾以仁兄禮奉  
見，冀所以報恩也。」命其子曰歡，郎可十餘歲，容甚溫美。  
次命女出拜爾兄，活爾久之。辭疾，鄭怒曰：「張兄活爾之

命不然，爾且虜矣。能復遠嫌乎？久之，乃至。常服悴容，不

加新飾，垂鬟接黛。一作髮垂黛接雙臉斷紅而已。顏色艷異，光

輝動人。張驚為之禮，因坐鄭傍，以鄭之抑而見也。凝睇

怨絕，若不勝其體。問其年紀，鄭曰：「今天子甲子歲之七

月，終於貞元庚辰生，十七年矣。張生稍以辭導之，不對。

終席而罷。張自是惑之，願致其情，無由得也。崔之婢曰

紅娘，生私為之禮者數四，乘閒遂道其衷。婢果驚沮，潰

然而奔。張生悔之，翼日，婢復至。張生乃羞而謝之，不復

云所求矣。婢因謂張曰：「郎之言所不敢言，亦不敢泄。然

而崔之族姻，君所詳也。何不因其德而求娶焉？」張曰：「予

此句并見紅娘身

高處立

高處立

才知那幾  
句詩也大  
害事不如  
不會的好

始自孩提性不苟合或時紈綺閒居曾莫留盼不謂當  
年終有所蔽昨日一席閒幾不自持數日來行志止食  
忘飽恐不能逾旦莫若因媒氏而娶納采問名則三數  
月閒索我於枯魚之肆矣爾其謂我何婢曰崔之貞順  
自保雖所尊不可以非語犯之下人之謀固難入矣然  
而善屬文往往沉吟章句怨慕者久之君試為諭情詩  
以亂之不然則無由也張大喜立綴春詞二首以授之  
是夕紅娘復至持采箋以授張曰崔所命也題其篇曰  
明月三五夜其詞曰待月西廂下迎風戶半開拂墻花  
影動疑是玉人來張亦微喻其旨是夕歲二月旬有四

閱此真能  
以礼抑情  
者

日矣崔之東有杏花一樹攀援可踰既望之夕張因梯  
其樹而踰焉達於西廂則戶半開矣紅娘寢於牀生因  
驚之紅娘駭曰郎何以至張因給之曰崔氏之牋召我  
矣爾為我告之無幾紅娘復來連曰至矣至矣張生且  
喜且駭謂必獲濟及崔至則端服嚴容大數張曰兄之  
恩活我之家厚矣是以慈母以弱子幼女見託奈何因  
不令之婢致淫泆之詞始以護人之亂為義而終掠亂  
以求之是以亂易亂其去幾何誠欲寢其詞則保人之  
姦不義明之於母則背人之惠不祥將寄於婢妾又懼  
不得發其真誠是用託短章願自陳啓猶懼兄之見難

是用鄙靡之辭以求其必至非禮之動能不愧心特以禮自持母及於亂言畢翻然而逝張自失者久之復出於是絕望數夕張君臨軒猶寢忽有人覺之驚歎而起則見紅娘做衾攜枕而至撫張曰至矣至矣睡何為哉設衾枕而去張生拭目危坐久之猶疑夢寐然診謹以俟俄而紅娘捧崔氏而至至則嬌羞融冶力不能運肢體曩時端莊不復同矣是夕旬有八日也斜月晶熒幽輝半牀張生飄飄然且疑神仙之徒不謂從人間至矣有頃寺鐘鳴天將曉紅娘促去崔氏嬌啼宛轉紅娘又捧之而去終夕無一言張生辨色而興自疑曰

豈其夢邪及明靚妝在臂香在衣淚光熒熒然猶瑩於裊席而已是後又十餘日杳不復知張生賦會真詩三十韻未畢而紅娘適至因授之以貽崔氏自是復容之朝隱而出莫隱而入同安於曩所謂西廂者幾一月矣張生常詰鄭氏之情則曰知不可奈何矣因欲就成之無何張生將之長安先以情諭之崔氏宛無難辭然而愁怨之容動人矣將行之再夕不復可見而張生遂西不數月復遊於蒲舍於崔氏者又累月崔氏甚工刀劊善屬文求索再三終不可見張生往往自以文挑之亦不甚觀覽大畧崔之出人者藝必窮極而貌若不知言

則敏辯而寡於酬對待張之意甚厚然未嘗以詞繼之時愁豔幽邃恒若不識喜愠之容亦罕形見異時獨夜操琴愁弄悽惻張竊聽之求之則終不復鼓矣以是愈惑之張生俄以文調及期又當西去當去之夕不復自言其情愁歎於崔氏之側崔已陰知將訣矣恭貌怡聲徐謂張曰始亂之終棄之固其宜矣愚不敢恨必也君亂之君終之君之惠也則沒身之誓其有終矣又何必感深於此行然而君既不憚無以奉寧君嘗謂我善鼓琴嚮時羞顏所不能及今且往矣既君此誠因命拂琴鼓霓裳羽衣序不數聲哀亂不復知其是曲也左右皆

歔歔崔亦遽止之投琴泣下流連趨歸鄭所遂不復至明日而張行明年文戰不勝遂止於京因貽書於崔以廣其意崔氏緘報之辭粗載於此曰捧覽來問撫愛過深兒女之情悲喜交集兼惠花勝一合口脂五寸致耀首膏脣之飾雖荷殊恩誰復為容覩物增懷但積悲歎耳伏承使於京中就業進修之道固在便安但恨僻陋之人永以遐棄命也如此知復何言自去秋以來常忽忽如有所失於誼誼之下或勉為語笑閒宵自處無不淚零乃至夢寐之間亦多感咽幽離之思縹緲纏綿暫若尋常幽會未終驚魂已斷雖半食如暖而思之甚

遙一昨拜辭。倏逾舊歲長安行樂之地。觸緒牽情。何幸  
不忘幽微。眷念無數。鄙薄之志。無以奉酬。至於始終之  
盟。則固不忒。鄙昔中表相因。或同宴處。婢僕見誘。遂致  
私情。兒女之情。不能自固。君子有授琴之挑。鄙人無投  
梭之拒。及薦寢席。義盛意深。愚細之情。永謂終託。豈其  
既見君子。而不能定情。致有自獻之羞。不復明侍巾櫛。  
沒身永恨。含歎何言。倘仁人用心。俯遂幽劣。雖死之日。  
猶生之年。如或達士。畧情捨小。從大以先。配爲醜行。謂  
要盟之可欺。則當骨化形銷。丹誠不泯。因風委露。猶託  
清塵存沒之情。言盡於此。臨紙嗚咽。情不能申。千萬珍

重珍重。千萬玉環一枚。是兒嬰年所弄。寄克君子下體  
所佩玉。取其堅潔不渝。環取其終始不絕。兼亂絲一絢  
文竹茶碾子一枚。此數物不足見珍意者。欲君子如玉  
之貞。俾志如環不解。淚痕在竹。愁緒縈絲。因物達誠。永  
以爲好耳。心邇身遐。拜會無期。幽憤所鍾。千里神合。千  
萬珍重。春風多厲。強飯爲佳。慎言自保。無以鄙爲深念。  
張生發其書於所知。由是時人多聞之。所善楊巨源好  
屬詞。因爲賦崔娘詩一絕。云清潤潘郎玉。不如中庭蕙  
草雪。消初風流才子多。春思腸斷蕭娘一紙書。河南元  
稹亦續生會真詩三十韻。曰微月透簾櫳。螢光度碧空。

六集補遺 卷六  
遙天初縹緲。低樹漸蔥蘢。龍吹過庭竹。鸞歌拂井桐。羅  
綃垂薄霧。環珮響輕風。絳節隨金母。雲心捧玉童。更深  
人悄悄。晨會雨濛濛。珠瑩光文履。花明隱繡龍。瑤釵行  
彩鳳。羅帔掩丹虹。言自瑤華圃。將朝碧帝宮。因遊洛城  
北。偶向宋家東。戲調初微拒。柔情已闇通。低鬟蟬影動。  
迴步玉塵蒙。轉面流花雪。登牀抱綺叢。鴛鴦交頸舞。翡翠  
合歡籠。眉黛羞頻聚。脣朱暖更融。氣清蘭葉馥。膚潤  
玉肌豐。無力慵移腕。多嬌愛斂躬。汗光珠點點。亂髮綠  
鬆鬆。方喜千年會。俄聞五夜窮。留連時有限。繾綣意難  
終。慢臉含愁態。芳辭誓素衷。贈環明運合。留結表心同。

啼粉流清鏡。殘鑪遠明燼。華光猶冉冉。旭日漸清曠。乘  
鸞還歸洛。吹簫亦上嵩。衣香猶染麝。枕膩尚殘紅。暮暮  
臨塘畔。飄飄思渚蓬。素琴鳴怨鶴。清漢望歸鴻。海闊誠  
難度。天高不易衝。行雲無定所。蕭史在樓中。張之友聞  
之者。莫不聳異之。然而張亦志絕矣。積特與張厚。因徵  
其辭。張曰。大凡天之所命。尤物也。不妖其身。必妖於人。  
使崔氏子遇合富貴。乘嬌寵。不為雲霧雨。則為蛟為螭。  
吾不知其變化矣。昔殷之辛。周之幽。據萬乘之國。其勢  
甚厚。然而一女子敗之。潰其衆。屠其身。至今為天下僂  
笑。予之德不足以勝其孽。是用忍情於時。坐者皆為深

歎。後。處。崔。已。委。身。於。人。張。亦。有。所。娶。適。經。其。所。居。乃  
因。其。夫。言。於。崔。求。以。外。見。見。夫。語。之。而。崔。終。不。爲。出。張  
怨。念。之。誠。動。於。顏。色。崔。知。之。潛。賦。一。章。詞。曰。自。從。消。瘦  
減。容。光。萬。轉。千。迴。懶。下。牀。不。爲。傍。人。羞。不。起。爲。郎。憔悴  
却。羞。郎。竟。不。之。見。後。數。日。張。生。將。行。又。賦。一。章。以。謝。絕  
之。曰。棄。置。今。何。道。當。時。且。自。親。還。將。舊。來。意。憐。取。眼。前  
人。自。是。絕。不。復。知。矣。時。人。多。許。張。爲。善。補。過。者。矣。予。嘗  
於。朋。會。之。中。往。往。及。此。意。者。夫。使。知。者。不。爲。爲。之。者。不  
感。貞。元。歲。九。月。執。事。李。公。垂。宿。於。余。靖。安。里。第。語。及。於  
是。公。垂。卓。然。稱。異。遂。爲。賦。以。傳。之。崔。氏。小。名。鸞。鸞。

公垂以命篇歌曰

伯勞飛遲燕飛疾。垂楊綻金花笑日。綠窓嬌女字鸞鸞。  
金雀姬髮年十七。黃姑上天阿母在。寂寞霜寒素蓮質。  
門掩重關蕭寺中。芳草花時不曾出。



杜甫天材頗絕倫每尋詩卷似情親  
憐渠直道當時語不着心  
源偏古人

四  
全  
公  
公  
公



